

海門縣志卷之一



邑人 李兆星左園纂輯

丁鹿壽莘野重訂

地理志第一

疆域沿革

海門在唐虞三代未有建置漢為海陵縣東境屬臨淮郡東漢改屬廣陵晉因之東晉宋齊屬海陵郡隋屬江都郡唐末屬吳為東洲鎮以其地為東沛洲地也周世宗始立海門縣屬通州見五代史職方考宋元因之舊志言初置縣時置里百有二十固巨縣也

海門縣志

卷之一

一

元至正中江海侵迫北徙禮安鄉張士誠僭踞浙西遣偽將張左丞守之縣治燬于兵明仍為海門縣領於通州編里三十有七嗣後江日內蝕正德九年甲戌遷入州境在餘中場南嘉靖戊戌颶濤大作傷人以萬計甲辰併里為十有四徙治於金沙場之南州境割清幹鄉六里金沙一里以益之凡二十有一里蓋至是縣境已三徙矣

里一

併里十有四謂在市二里禮安鄉一里嘉會郡二里崇信鄉一里智正都五里仁和鄉一里呂四一里陳壩莊

海門故縣九域志云在州東百里

見省志

金沙南縣治在揚州東南四百六十里東至海二里南至江二里

西北至通州四十里北至海三十三里東北至海七十里抵京師
陸路二千七百三十五里水路三千五百四十五里抵江寧省城
陸路七百有五里水路七百二十里

縣治在通州城東四十里其地負城東西南北各五里東南清幹
鄉智正都刺地廣二十里袤三里東北呂四場刺地廣二十里袤

五里輿地圖說見康熙甲辰揚州府志

山水

海門島在縣東北海中宋時設屯兵使者守護犯罪者多配於此今沒于海

北溟山今沒于海州乘一覽

海門縣志 卷之一

東山在呂四場南相傳宋淳熙中孫道人築又能以術運大木建廟于山

香堂山元呂四人築今址在堤北州乘一覽

太平山在江場南宋時有石佛浮海而至土人築此奉之州乘一覽

彌陀山在餘東場山陰負長堤門抱曲水殿角古木參天明嘉靖初邑人張二水太行同築假以樓隱

洛伽山在餘東便場一號便倉去餘東十里

武當山在便倉北六里

定海山在餘中四甲壩西北州乘一覽

南山在金沙有樓望西南狼軍諸峯遙相映帶明季邑人築州乘一覽

觀音山在縣治東南二里築土臨江上有文丞相岳武穆祠

三元山 在縣治直北七里高原曠野俯衛城堞三峯翠立萬

戴青山 在縣治西僧戴青築其徒靜庵復築於王竈港

韓童山 在縣東五里明宣德間巫人韓童築

碧霞山 在西門外

文成山 在儒學後

江 在縣南二里正對常熟崑山西南迤江陰靖江

海 在縣東抵廖角嘴七十元時海運從此徑達直沽

廖角嘴 在縣東北大江入海之口江水高海水數尺清濁交會其為海風飄至以啟投太守云望斗極以來稔初

離下國指桃源而迷路誤到仙鄉 明一統志

海門縣志

卷之一

三

布洲 輿地記通州有東南二布洲通鑑注東沛洲在通州海門縣界沛興布本一字或云沙漲所成有布機流沙上故名

始出博會 集韻沛地名周世宗遣將破賊於東沛洲即此

東洲河 在呂四場楊吳時為東洲鎮即古天安鎮河已淤淺故道尚存

白水蕩 在呂四場唐駱賓王因李敬業兵敗逃匿於此

運鹽河 一在縣南西至通州四十里 一在縣北當餘西金沙之間東抵呂四北通掘港丁堰

運河 縣治西南至通州四十里東止呂四場嘉靖辛卯縣東河沒於江知縣趙九思濬自儒學東北八十里東入餘東便

倉四十里

府志

舊運河 在縣城東南龍王廟壩起至利和鎮西壩止南通大江 府志

尸溝 在縣東 府志

新溝 在縣東 府志

查家灣 在舊縣西 府志

呂四竈河 南發於江 州乘一覽

張尚河 在餘東場東北 通港西仇竈河 州乘一覽

進鮮港 在縣東南北 俱通大河

瞿竈港 在縣西南北 俱通大河

橫港 在縣北五里東 通進鮮西通瞿竈

李稍港 在縣南

濫泥港 在縣南

歇御港 在縣東北

海門縣志 卷之一

府志進鮮瞿竈二港俱南起運河北至運鹽河長十五里係縣

地餘俱州地橫港州縣分界西河港徐稍港西七里港俱在縣

南禮安鄉入江東七里港姚潭港新溝港黃沙港東明港生港

大河港俱在縣東顧園港西周港船橫港糜鹿港膠角港蘆葦

港俱在縣北人和鄉通東海陸港孫潭港陳鐵港道堂港俱在

縣東崇信鄉通江楊樹港薛家港西黃涇港東黃涇港嚴大港

俱在縣東嘉會都通江張港湖港曹港天港金口港腰夾港江

并港頭條港潭并港新港俱在縣西智正都通江據本朝縣志

云西河徐稍等港三十餘處坍塌已久不可復識滄桑之變自古有之矣

古蹟

露御夾 在呂四場宋高宗南渡經此間下至何地左右為對曰露御夾蓋誤詞也後入訛呼為鱸魚夾其地有七十二灣

放鶴田 在呂四場相傳呂洞賓四游於此嘗放鶴故名

天池 在廖角營環地皆斥鹵也惟此池水味清甘同于惠泉康熙州志

胡椒沙洲 在廖角背北時有水鳥羣集或呼鷗鷺洲

長沙東社 在餘西場漁者於此結社

寨塚 在縣東元李大亂民立私寨以自衛

海門縣志

卷之一

丞相莊 在縣西五里不知何自得名或云李庭芝子辰孫故宅邑人因其父名之

因篤樓 在餘東城張儀伯築

猶賢軒 彭大翼著書處

唐駱賓王墓 在縣城東見湧幢小品

吳妃冢 在縣城東唐景福天祐間楊行密為吳王駐揚州子偓繼之此冢疑即其妃也或云宋高宗南渡吳妃殂而葬焉

風土附

縣境土削民貧勞而好義士雅農慮工商株守日用在豐儉之間人情居厚薄之半急公奉上畏法重耻士紳子弟雖宴甚不甘失身值播遷轉徙之餘不廢耕織一手所製足活三口三手並作則

八口無虞非其遺風之獨厚與

習樸實而負氣性醇直而不阿耕鑿為生魚鹽為利士讀書而無
奔競之風商為市而無圖射之巧舊志

建置志第二

城池

海門縣城池古無所考元至正中徙禮安鄉明正德中遷州境餘
中場南皆市聚野處故無城塹嘉靖甲辰遷金沙場之南甲寅倭
寇入犯民無所奔命巡撫都御史鄭曉奏請築城知縣趙卿任其
事周五里三分高二丈埽高五尺濠廣六丈為門四東曰春和西

海門縣志

卷之一

六

曰安慶南曰文明北曰阜厚上各有成樓有水關高鋪邑人侍郎
崔桐為之記

餘東城一名鳳城明嘉靖年禦寇圍築今已半圯高不過丈惟甃

甃四門各有譙樓尚完舊觀

十場新志

呂四城一名鶴城嘉靖丁巳巡醴使崔棟奏發帑金同張九功監

築見彭方壺子記今東山前僅存故址半角

十場新志

宋咸淳五年兩淮制置使李庭芝鑿河四十里入金沙餘慶場以

省車運

康熙州志

解舍

縣署明嘉靖二十年知縣汪有執建正堂五楹東西司房各十二間儀門五楹稍東茶廳三楹大門鼓樓一座正堂後為穿堂又後為後堂三楹又後為知縣宅二十五年知縣劉燭增建吏舍十四所儀門外東偏土地祠又東為聖諭亭又東為旌善亭獄在儀門外西稍南為申明亭邑人崔桐記

主簿署在右典史署在正堂左兵陵巡檢司署在縣東七十里張

港巡檢司署在縣西十里呂四鹽課司署在縣東七里舊有縣丞裁革

教諭署訓導署在儒學內詳祠祀志

社學附一在儒學東一在察院右

海門縣志 卷之一

養濟院附在北門外

察院在縣署西南正廳三楹後堂三楹左右皂隸房各三間儀門

三間大門三間

府公館在縣西後改玉皇殿

演武場在西門外右營遊擊署在呂四場

陰陽學在縣署東醫學在縣署西僧會司在西禪寺道會司在修真觀

倉廩

便民倉在南門外知縣陳錠記又康熙州志利河鎮有便民倉

預備倉在西水關內

街巷

平政街在縣治南文明街在平政街南青雲街在儒學前道脈街
在化龍橋南豐寧街在察院石橋南阜民街在縣治西東泗街在
儒學東西清街在五皇殿西佑善街在城隍廟前萬壽街在大中
橋西龍門街在縣治左虎隊街在縣治右瀛洲街在市河北迤東
澄清街在市河北迤西興賢街在東門外

通聖巷在城隍廟前李家巷在縣治東思樂巷在儒學東應宿巷
在察院左旋驄巷在察院右絃歌巷在縣治後史家巷在市河南

海門縣志

卷之一

八

崔家巷在市河北錢家巷在豐寧街西

坊塔

官職坊五柱三為李永常李周李開李紀李梁立

進士坊五為尹惟忠陳孝陳奎錢鐸李夢周立

舉人坊十四可考者凡十袁懋宗葉思智李永常李周潘政李紀

張杲李梁姜輅李夢周又錢鐸見康熙州志

宗伯坊為侍郎崔桐立於縣署前又崔宗伯遷縣記云宗伯表坊
可仰可興是其地先有宗伯坊也未詳所自

貞節坊

詳人物
志列女

青雲坊在儒學前騰蛟坊在儒學左起鳳坊在儒學右
福國佑民坊在城隍廟前

文峯塔在城東南隅萬歷四十二年建

巽峯在東城樓南崇禎十一年建

橋梁

平政橋在縣治前化龍橋在儒學前通泗橋在儒學東北觀德橋

在射圃澄清橋在察院西通倉橋在察院西通聖橋在城隍廟前

迎壽橋在萬壽街西清橋在西清街東明橋在縣治東舊名登仙橋見明一

統志大中橋在北門大街翔鳳橋在西門內文明橋在南門河瞻斗

海門縣志 卷之一

橋在北門河龍門橋在東門河虎隊橋在西門河廣福橋在南門

外運鹽河興賢橋在東門興賢河聚星橋在東門外新開河廣德

橋在城外東南隅虹橋在城外東南隅通濟橋在瞿竈港玉帶橋

在橫港魚骨橋在餘中場以魚骨作橋知縣廖自伸移之儒學前即化龍橋

魚骨橋在禮安鄉東北每閏歲東海出此魚乘潮而上潮落則涸

於沙鄉人取其二腮骨作橋長一丈八尺餘至正中坍入江萬歷

戊戌隨沙漲起呂四場民獲之今復建儒學前邑黝黑有鐵釘痕

蓋數百年物既坍復漲亦奇事也府志古蹟

堰閘

捍海隄 一名捍海堰在縣東北昉自唐大歷中宋天聖初范仲淹
隄址厚三文面三之一高一丈五尺起鹽城止餘
西場民蒙其利稱范公隄歷代以來屢有增修

沈公隄 在縣治東北西接范隄裏延七
十里宋至和知縣沈起築

新堰 在舊縣北宋元豐間
築積水以通鹽舟

新隄 在縣東北明萬曆中知縣姜天麒同運司判官李瀾
督造隄外有非字港二漾口大橫口夾港俱北通海

見龍壩 在縣東南一里舊自南城運鹽河直東達利和鎮餘西
場等處萬曆中知縣黃奎壁建以紆迴水勢環抱縣城

西清閘 在縣西明成化中齋臺御
史李暉造 一作李孟暉

減水閘 在縣西北明宏治
中知縣徐英造

興賢閘 在縣東南疊石為之南通大江北通運鹽河明天啟四年
知縣嚴爾珪建 國朝順治十年知縣莊泰宏重建木閘

海門縣志 卷之一

龍游閘 在餘
西場

躍龍關 在縣治北即北水關明嘉靖間建久圯 國朝順治八
年知縣姚應選開建內通化龍橋外通見龍壩有碑記

郵鋪

駐節亭在南門外急遞鋪在縣署東三遞鋪在城東南興賢閘西

祠祀志第三

祠廟

文廟自元以前在舊縣者無考至正間縣治已遷於禮安 文廟
制度未備通州判官竇桂榮莅縣始謀創建縣尹張士良李裕各
捐俸成之越數年知縣李世衡復修具詳程世昌張天永修學記

元末燬于兵

明洪武中知縣徐伯善縣丞李選訓導宋琮同修正統中督學御史彭勛命縣丞郭德繕治見鄭開寧記知縣龔鑑馬嗣韓明復修成化宏治間知縣莫愚徐英皆嘗增修田江潮侵蝕屢修屢圯故也

正德中興縣治同遷餘中知縣裴紹宗王俊營建

嘉靖中縣遷金沙知縣汪有執教諭劉文榮等新建在縣治之左工未及竣知縣劉燭主簿沈欽等繼之具詳邑人崔桐遷縣記隆慶中知縣陳采萬歷中知縣姜天麒廖自伸先後修葺崇禎中知

海門縣志

卷之一

十一

縣彭希賢郡人王觀光更加新建

啟聖宮在大成殿西北

名宦祠在 文廟戟門左祀三人宋天章閣待制海門知縣沈起明兵科給事中海門知縣裴紹宗戶部主事海門教諭王昂鄉賢祠在 文廟戟門右祀三人明義士李閏甫彬州同知崔潤禮部左侍郎崔桐

又萬歷間張光登志稿有曾經部使查覈縣學申覆而未入祠者名宦三人知縣汪有執楊九經趙邦扶鄉賢三人御史李周容城知縣張鳴鶴瑞安教諭張材存其名以俟考

李兆星曰通州錢御史喑專祠以奏免養馬之功故世世德之
溯永樂初六安奏移種馬二十六百匹責養於通州海門如皋
六年間海門耆民張暹赴京奏免至嘉靖十九年錢始有比例
乞恩一疏首引張暹奏免之例乃得俞旨較海門已後一百六
十年暹之功所沾被多矣何錢有祠而張獨闕如哉議入鄉賢
於閏甫豈有多讓議建祠宇則州祠之例不宜少緩云

文昌祠在學宮內一在興賢閣東南

宋范文正公祠在鹽場便倉西

宋文信國公祠一在學內一在西禪寺一在觀音山

海門縣志 卷之一

岳武穆王祠在觀音山

熊公祠 祀兵備道副使熊尚文見府志未詳所在

鄭端簡公祠在儒學門左 府志

遺愛祠在平政街 祀知縣邵化之

栢林祠在學宮內 祀知縣趙邦秩

黃公祠在三元山 祀知縣黃奎壁

城隍廟在縣署後

關聖廟一在南門內一在演武場一在望江樓

龍王廟在三遷鋪

東嶽廟在東門外

壇壝

社稷壇在城外西北

風雨壇在城外東南

邑厲壇在城外東北

寺觀

附 寺觀之屬往往土俗相沿非有關祀典也今縣廢已久遺蹟就湮錄附於此不求其備

廣惠寺在縣北利和鎮西禪寺在城內西北隅會聖寺在縣城中

明一統志會聖院在縣西法輪寺在縣城中開福寺在縣城北修真觀
明一統志作修

真道院在縣東南佑聖觀在餘東鎮慶真觀在城北十五里紫微觀

海門縣志

卷之一

在城外廣福橋西張仙廟在城內東南隅貂蟬廟在城外東南玉

皇殿在縣署西三官殿在南門外駐節亭真武殿在城外西北隅

原名大澤觀碧霞院在西門外觀音堂在縣南城內雙林庵在城

南九華庵在興賢河東護國庵在進鮮港東水齋庵在北門外昆

盧庵在城東南五印庵在儒學前化龍橋北準提庵在東水關大

士庵在廣福橋東永德庵在清幹鄉去城東五十里
舊傳五印庵為邑人成友

謙吳震誥侯康民崔思唯李兆星讀書之所明初建

戶賦志第四

戶口 宋元無考

洪武九年戶九千二十一 康熙州志作九千七百一十四 口四萬一千五百五十

成化八年戶六千八百六十二口二萬九千二百四十四

成化十三年 州舊志作十八年 戶四千六百八十三口七千五百六十三

正德七年戶七千六十一口二萬一千九百二十三

嘉靖四年 州舊志作元年 戶五千八百九十七口二萬二千八百三十四

嘉靖十一年戶二千五百八十一萬三百二十二

嘉靖二十一年戶一千五百四十口三千七百八十八

嘉靖二十四年戶一千二百二十六口四千九百五十九 是年

遷縣割借州境清幹六里金沙一里共二十一里

海門縣志 卷之一

嘉靖三十一年戶二千七百六十六口一萬二千二百一十五

萬曆二十年戶三千五百四十口一萬二千二百一十五

萬曆四十二年戶三千五百九十口一萬三千五百八十三

天啟三年戶三千五百八十一口一萬三千五百一十八

崇禎六年戶三千二百一十五口一萬二千九百八十

順治三年戶三千二百一十五口八千七百六十

順治十年戶二千二百五十六口九千八百三十六

田賦 宋元無考

洪武九年官民田地草場共一千五百五十六頃一十七畝四分

計稅糧七千五百四十九石五斗八升六合五勺租鈔一千三十八貫八百一十五文馬草一萬二千九百六十四包三觔

宏治十六年揚州知府鄧文質奏允勘報冊沒田一千五頃六十二畝九分又續冊二百五十六頃九十四畝六分實存官民田地草場二百九十三頃五十九畝六分知府王恩奏允冊豁稅糧五千石除豁免外實徵稅糧一千二百一十二石七斗二升五合五勺

正德五年揚州知府鄧文質奏准每糧一石折銀四錢

嘉靖六年巡撫都御史唐龍奏每石減銀一錢十五年知縣吳宗

元申呈撫按每石減輕折價銀一錢五分二十四年知縣汪有執奏准割借通州清幹鄉金沙田地一百四十二頃六十四畝六分共實存田地四百三十六頃二十四畝二分四十年知縣邵化之申准奏勘冊田豁糧七百石

萬曆十二年知縣姜天麒申准奏豁冊田頃數至二十年知縣蔡文會造冊實存田地二百三十一頃十七畝四分類徵夏稅麥二百七十石一斗五升九合四勺秋米五百五十一石三升共徵稅糧八百二十一石三斗八升九合四勺四十二年實存田地一百六十五頃九畝九分一釐五毫

崇禎六年按院御史饒京踏勘豁冊江田地十七頃十八畝詳允免徵其稅糧條鞭俱派現田帶徵十六年邑人御史成友謙奏豁除冊江民田十頃二十一畝九分一釐四毫免徵條鞭竈田六頃二畝四分八釐一毫免徵稅糧議裁本縣存留款項銀三百四十三兩二錢二分八釐七毫抵補冊田數目

國朝順治三年知縣王來慶驗冊清丈冊去田地六十五頃六畝九分二釐四毫縣諸生姚韶赴告按院秦世禎准行除冊沒實存官民田地草場四十五頃一十四畝四分九釐六毫八年知縣姚應選清查又冊去上中下田十六頃三十八畝九分六釐

九毫共冊去八十一頃四十五畝八分九釐三毫實存民竈田地六十六頃四十六畝二釐二毫十年因舊冊不論己未冊沒仍作田一百四十七頃九十一畝九分一釐五毫額徵本色正兌秋米五百五十一石三升加三耗米一百六十五石三斗九合補閏米四十九石五斗九升二合七勺共米七百六十五石九斗三升一合七勺額徵夏秋稅銀九釐地畝等項銀四百九十一兩九錢九分零

鹽引

呂四場鹽課一萬五千八百八十引

物產附

禹貢揚州厥草惟夭厥木惟喬厥土塗泥厥田下下海邑為揚之一隅其地斥鹵桑麻菽粟而外無畸產焉舊稱呂四場產鶴丹頂綠脰足有圭文為尋常所不易覲其生於草澤之交者有鹿有麕有獐有麝明李河泊所每歲徵鹿一隻是邑產鹿之明徵今則其種類從而他適矣至若鱗族江海雜陳難以悉數貴者鮑以充貢閏魚逢閏始見亦不常有也

官師志第五

秩官題名 舊志均多闕佚載其可考者

海門縣志

卷之一

宋

知縣

沈

起

至和間任有傳

王安石

元

絳

紹興間任有傳

丞 無考

簿

李

覲

盱江人

史彌遠

覲縣人

尉

王

耕

有傳

鄭伯海

潘友恭

元

達魯花赤 無考

知縣

也先不花

張士良 有傳

李世衡 有傳

縣丞

史文煥

主簿

徐文顯

典史

陳新

海門縣志

卷之一

六

教諭

劉璿

劉允

潘文質 邑人 由薦辟

訓導

尹平 邑人 由薦辟

明

知縣

徐伯善 洪武元年任

駱士廉 二十五年任

曲能 洪武間任 有傳

齊福東

袁庸

劉寅

葉永亨

王福緣

黃城 景泰二年任

龔鑑 泉州人

李旺 天順間任

馬駟 成化五年任

張銘 七年任

韓明 十年任

蕭羽 新喻人 十年任

莫愚 馬平人 十七年任

徐英 寶坻人 宏治二年任

陳槩 鄞縣人 九年任

蕭緒 十一人任 有傳

安郁 邯鄲人 十四年任

趙鏞 東陽人 正德三年任

趙定 威縣人 五年任

王宣 華州人 九年任

裴紹宗 十三年任 有傳

王俊 洛陽人 十六年任

陳誨 嘉靖六年任 有傳

陳言 黃梅人 七年任 有傳

趙九思 開喜人 九年任

陳錠 十一年任 有傳

吳宗元 十四年任 有傳

孟梅 信陽人 十七年任

錢元高 龍川人 十八年任

汪有執 二十年任 有傳

張廷器 閩縣人 二十四年任

劉燭 二十五年任 有傳

翟次喬 昌邑人 三十一年任

海門縣志

卷之一

趙卿 興平人 三十三年任 有傳

陳裕 莆田人 三十六年任 有傳

邵化之 三十八年任 有傳

饒廷先 臨川人 四十四年任

陳采 崇陽人 四十四年任

楊九經 隆慶二年任 有傳

李諭 南昌人 六十六年任

夏尚忠 瀏陽人 萬歷三年任 有傳

趙邦扶 六年任 有傳

曹鈇 長清人 八十八年任

姜天麒 餘姚人 八十二年任

張大雅 平湖人 十七年任 有傳

蔡文會 宛平人 八十八年任

楊啟新 晉江人 二十二年任

廖自仲 黃岡人 二十二年任 有傳

李邦彥 寧晉人 二十八年任

董獻策 深澤人 三十三年任

王之璠 瀘州人 三十二年任

黃奎壁 政和人 三十八年任

韓惟敘 山西人 四十一人任

關昌 南海人 四十七年任

侯安國 永城人 四十八年任

高斗墟 碓山人 天啟二年任

嚴爾珪 三年任 有傳

李景時 義州人 七十年任 有傳

鍾必顯 分宜人 崇禎四年任

鮑經濟 會稽人 九年任 有傳

雷惟美 高州人十年廉 祇 鄱陽人十二年 章闇然 貴州人十三
李在公 陝西人十六 劉士林 安福人十七 年任有傳

縣丞

焦惟敬 洪武三年任 李選 劉璉

霍登 王琮 李琰

王鑑 張雲 趙澤

薛環 曾剛 郭德 正統元年任

王濟 懷慶人成 馬智 清苑人十 王文勝 山西人十

楊成 新城人宏 劉璿 灤州人十 王海 永和年任

海門縣志 卷之一

陳頤 泉州人 鍾雲 桐鄉人十 王杰 山東人十

張端 寶坻人嘉靖三年任以後裁革

主簿

孫禮 洪武元年任 許亨 劉文郁

范查林 李肅 馬肅

林文盛 胡攷學 董崇 淄川人成化

羅宗玘 十七年任 李郁 永明人宏

宋瑾 山西人十 張楷 金華人十

席全 衛輝人正 李獻 太原人 潘惠 趙州人十

典史

朱 愨 崇德人 嘉靖三年任
楊國用 洛南人 二十二年任
李 繡 歸安人 三十四年任

姜 觀 西安人 三十三年任
沈 欽 秀水人 二十五年任
楊 孫 莆田人 三十八年任

裴鳳翔 味縣人 三十七年任
張四教 漢州人 二十九年由選貢
李文秀 山陰人 四十一以後裁革

常 儀 洪武元年任

黃 靖

何 良

劉 聚

徐 安

張克麓

張 澄 平康人 成化九年任

侯志寧 魚臺人 三十六年任

孫 達 博興人 宏治元年任

趙文舉 華州人 七年任

李 恭 封邱人 正德七年任

田 安 鉅野人 十年任

吳文玉 鄆縣人 十四年任

張顯用 瀘州人 嘉靖三年任

張 珠 掖縣人 十二年任

海門縣志

卷之一

二十一

張 俊 蓬萊人 十四年任

陳 德 內江人 十九年任

陳思明 歸安人 二十一年任

王在美 莆田人 二十七年任

俞廷舜 平陽人 三十二年任

王 儀 安陽人 三十五年任

侯惟松 巴陵人 三十七年任

俞 楷 巴陵人 四十年任

尤必騰 太平人 四十四年任

徐存義 黃岩人 隆慶四年任

林 雲 海澄人 萬曆二年任

李廷瑞 莆田人 三年任

譚 詔 均州人 八年任

俞 鯨 金華人 九年任

潘廷寵 黃岩人 十二年任

俞 桂 黃岡人 十七年任

應 紹 永康人 十九年任

汪時舉 武昌人 二十年任

朱 勛 保昌人 二十二年任

孫 琚 長江人 二十四年任

陳文榮 莆田人 二十七年任

鄭守愚 長汀人 三十三年任

唐良言 全州人 三十二年任

洪邦彥 晉江人 三十六年任

周成文 平湖人 四十一年任

劉步雲 安陸人 四十三年任

艾之蕃 彝陵人 四十七年任

教諭

高明 烏程人 天啟二年任

邊成章 紹興人 四年任

王德復 紹興人 三年任

魏國興 臨清人 三年任

章自邛 會稽人 九年任

張邦淳 山陰人 六年任

萬德溥 麻城人 崇禎元年任

勞有恭 山陰人 十年任

金志銓 秀水人 七年任

袁懋 洪武元年年任

鄭開寧 黃岩人 正統元年任

虞振

李洪

曹本

劉棊 成化元年任

林華

柳珍 十二年本學訓導升任

黃乾仁 宏治六年任有傳

施紀 嘉興人 十二年任

蔡獻 象山人 正德二年任

林熺 閩縣人 九年任

王昂 嘉靖二年任有傳

陳亨 閩縣人 八年任

朱衣 錢塘人 十一年任

海門縣志

卷之一

方楠 餘杭人 十七年任

劉文榮 臨安人 二十五年任

王廷恩 湖廣人 二十八年任

黃金綬 福建人 三十一年任

潘一正 仁和人 三十八年任

劉郁 曲江人 四十一年任

胡潛 臨川人 四十四年任

康衢 伊陽人 隆慶九年任

邵良謨 臨海人 三年任

方德懋 歙縣人 六年任

桂集安 石球人 萬曆三年任

徐子神 金華人 九年任

何一蛟 貴池人 十二年任

胡志和 慈溪人 十六年任

陳軾 沈邱人 十八年任

張獻圖 洛陽人 二十一年任

洪信 東莞人 二十七年任

周光錫 望江人 三十年任

蘇淳 臨山衛人 三十四年任

張以誠 青浦人 三十八年任

蔣履 武進人 四十一年任

林應酉 海澄人 四十四年任

何儉 南陵人 天啟元年任

王燾 五年任有傳

向宸 昆明人 崇禎三年任

金渾 長洲人 九年任

潘宏 十年任有傳

郎士玉 淮安人 十五年任
管鳴鳳 巢縣人 六年任
穆元驥 東明人 七年任

訓導

宋 琮 洪武元年任

鄭 潛 正統元年任

鄭 琬

王 德

孫元肅 正統元年任

董 佐

王 瑞

柳 珍 仁和人 成化二年任

林 楊 長泰人 七年任

李 璞 四川人 宏治元年任

王 序 六年任

劉 勝 衡陽人 一年任

魯 鵠 常山人 十年任

潘 榮 十六年任

朱 泰 南城人 正德元年任

曹 智 漢陽人 四年任

王 鼎 華陰人 五年任

王 傑 石首人 十年任

石 崧 鈞州人 十年任

陳 文 泌陽人 十年任

吳中立 福寧人 嘉靖元年任

海門縣志 卷之一

趙景熙 新城人 二年任

鄧林梓 桂陽人 四年任

陶 性 新喻人 一年任

歐陽杲 寧遠人 十年任

張 瀚 固始人 十年任

楊守道 廣東人 二年任

伍 萼 廬陵人 二年任

陳元佑 三十一一年任

周 謨 瀘州人 三年任

黃 芳 漳浦人 三年任

蘇 魁 博興人 四年任

裴日思 味縣人 四年任

賈 材 餘杭人 隆慶三年任

孫可賢 建德人 萬曆元年任

劉 玉 丹徒人 三年任

韓 桓 慈谿人 四年任

王 培 贛榆人 五年任

葛宏總 桐城人 九年任

孫汝信 南陵人 十年任

張 縉 麗水人 十年任

莊三省 懷寧人 二年任

陳 寵 安東人 二年任

王大任 沛縣人 三年任

閔 渭 徐州人 三年任

王 賓 徐州人 四年任

雲鳳岐 有傳 五年任

孫繼陞 桐城人 四年任

岑鳳韶 邳州人 天啟元年任
 鮑士光 繁昌人 崇禎二年任
 濮陽景旦 廣德人 三年任
 杜如芝 和州人 四年任
 李衍伯 宿州人 九年任
 宋思義 山陽人 十年任
 龍應鼎 望江人 十七年任

國朝

知縣

李都產 逸東人 順治二年任 由舉人
 王承慶 河間人 三年任 由拔貢
 姚應選 廣寧人 六年任
 莊泰宏 遼東人 九年任 由選貢

典史

王繼灝 會稽人 順治三年任
 魯素 宛平人 十年任

海門縣志 卷之一

教諭

涂守實 江西人 順治二年任
 汪居仁 徽州人 六年任 由進士
 金象鉉 休寧人 十年任 由舉人

訓導

于鵬程 河間人 順治二年任
 蕭汝藿 英山人 十年任

列傳

宋

沈起宗 鄞縣人 由進士通判滁州 間父病 委官歸侍 有司劾其擅去 仁宗謂輔臣曰 觀過知仁 由父疾而加罪 何以厚風俗而勸人子 既終喪 特遷知海門縣 海門地卑風潮 歲作 敗民田舍 起

為築隄七十里引江水灌田民遂復業立祠以報之包拯舉為
監察御史累官至天章閣待制祀邑之名宦祠

元絳字厚之錢塘人登第授江寧府推官後知海門縣時淮民多
盜販鹽制置使建言販鹽二十劬者皆坐徒絳曰海濱之民恃
鹽以為命非他處比也笞而縱之在任多惠政擢江西轉運判
官官至資政殿學士

元

張士良陝西人由鄉舉任海門縣修學勸農有良吏聲

李世衡河南人由鄉舉任海門敷政安民建學課士中書省張天

海門縣志 卷之一

二十五

永撰記亟稱之

明

曲能隴西人洪武中任縣事政平訟簡秩滿民不忍其去

馬嗣新會人由進士知海門才幹過人不畏彊禦尤加意學校人

才賴以振作後擢太僕寺丞再擢知府

韓明餘姚人以進士知海門平易愛民門無私謁尋召為監察御
史

蕭緒萬安人宏治間以舉人任縣事質樸無華誠心撫字每朔望
蒞學勤懇訓士又嘗築捍海隄為一邑賴云

裴紹宗字伯修渭南人進士知海門縣剛直有為加意民隱時江
珊凋敝賦役不堪紹宗奏捐珊糧以紓民困民有所犯必不得
已而後置于法擢給事中以言事獲譴死邑人官都下者爭往
賻之後祀邑之名宦祠

陳誨崇陽人進士知海門明爽有為嘗疏五事以陳利病雖未得
請民咸德之尋改無錫縣

陳錠江陵人進士知海門政尚儉約勤循繩墨以父憂去職行李
蕭然

吳宗元金谿人舉人治海門輿情允洽嘗刊纂邑志論者謂識治
海門縣志 卷之一 二十六

體焉

汪有執東明人以舉人任縣事廉明仁恕勇於任事縣負海襟江
颶濤屢作黎民失所有執力請遷縣割通州七里屬焉徙治金
沙場昏墊之餘獲登衽席邑人請祀名宦祠未果行

劉燭吉水人舉人知海門縣境甫遷諸務未集燭承有執之後日
事安輯進諸生講經濟務求實用公餘嘯咏皆民隱也陞順天
府通判轉太僕寺丞

趙卿興平人舉人知海門倭寇入犯卿為之捍禦有築城功
邵化之永嘉人舉人知縣事政尚寬簡不察察以為明嘗申訟珊

糧七百餘石民懷其德為立遺愛祠

楊九經涿州人以舉人知縣事州志云由貢生清節自持薄賦寬徭治邑

三年民戴其德至以楊父呼之卒于官議祀名宦祠未果行

夏尚忠瀏陽人選貢知縣事才猷練達勤政愛民抑豪右剔冗蠹

內外肅然

趙邦秩字元敘平湖人進士知海門下車見士削民貧民不聊生

延士民高擢政務次第舉行臨訟則曲加勸諭兩造既服以案

牘付其人焚之甫三月病卒邑人立柏林祠于學宮內又請祀

名宦未果行

海門縣志 卷之一

黃奎壁字聚垣政和人由明經知縣事風神伉爽才猷敏練以儒

術修飭吏事又旁通相宅之學多所營建

侯安國字晉明永城人進士任海門秉心易直獄多平反吏畏民

懷始終不渝官至大方伯

嚴爾珪字琢庵歸安人以進士任革前令敝政力持風紀嚴辦等

威一時名分截然僉士斂跡創建石閘最為利賴入為禮部主

事

李景時義州人以恩貢知海門廉明有威約束吏胥不事鈎索而

羣小人無遁形陞蘭州守

劉士林安福人值崇禎末日與士民闡忠孝之義未久即棄官去

以上知縣

宋

王耕字汝良大名人祖倫同簽樞密院事奉使北方不屈死孝宗訪求其孫未祿者官之耕與馬調海門尉乘輕舟入海捕劇賊小吳郎并其徒十七人海氛一靖愛民有為多所興建後擢監登聞鼓院累官集英殿修撰卒贈寶章閣待制

以上縣尉

明

虞振山陰人由鄉舉為海門教諭嫻於文詞多士賴以磨礪

海門縣志

卷之一

二十八

劉隸字靈天江西泰和人長古文詞循循善誘士林頌之

林華字舜元山陰人由舉人教諭海門以造就人才為己任治尚

書者多宗之

黃乾仁莆田人舉人任海門教諭持身嚴肅雖盛夏必冠帶以見諸生諸生成服其教無便服出游者尤勤于訓迪察其讀書勤惰而勸懲之

王昺侯官人由舉人教諭海門存心慈厚樂道人善而陰覆其短以故賢不肖皆樂從其教長於春秋文詞力追古作者著雲樹集及東海宦游記仕至戶部主事祀邑之名宦祠

方德懋歛縣人以歲薦教諭海門慎言行嚴取予嘗輯四禮以正
縣俗擢九江教授去士人思之

張以誠清浦人兄以誠萬歷辛丑殿試第一人以誠由舉人任縣
學教諭長於經術訓士多方修祭器立會課諸生貧乏者多所

賙恤

王燾崑山人舉人任縣學教諭正己率物動循禮義時邑宰知其
清貧令役人押一盜往求燾書開釋奉銀五十兩燾喚役至前
諭之曰此真盜耶法不可縱如非盜耶既誤執矣釋之尚恨其
晚柰何以賄浼我其介節類如此後為隨州守流賊犯境殉難

海門縣志

卷之一

三九

潘宏山陽人以明經教諭海門規言矩行能以身教課藝有恆後
為河南舞陽令城破殉難

郎士玉淮安歲貢生崇禎順天丙子副榜由通州訓導任邑教諭
淹通五經諸生晉謁者如坐春風中談經義疊夕不倦以內艱

去以上
教諭

明

孫元肅黃巖人由薦辟為縣訓導以清嚴立教官至王府長史

王序金谿人以舉人司訓海門仁厚謹飭過人無疾言遽邑學有
本原而不自炫露人莫窺其際

潘崇金華人以貢士司訓謙謹自愛每訓飭諸生必歸于正經學
尤邃士林宗之

陳元佑閩縣人以貢士司訓講學明道以敦倫為主而文藝次之
辨義利嚴取予又捐俸以置學田

雲鳳岐廣德州人以貢士司訓開誠接物不動于勢利時縣令晉
人也親屬多籍揚州議於縣中初立鹽市雖產鹽之地非官鹽
禁不得食士民譁然幾至激變縣中欲勒岐者塞士口岐峻詞
拒之且為當道力辨其非遂為所中邑人立祠祀焉

以上
訓導

